

谷響集校書

178
2
2



178
3
2



寂照堂谷響集第四

大黑神像安食厨


客問食厨安大黑天神者有所據無
 答出于義淨南海寄歸傳云西方諸大寺
 處咸於食厨柱側或在庫門前彫木表
 形或二尺三尺為神主狀坐把金囊卻踞
 小牀一脚坐地每將油拭黑色為形踞日
 莫訶歌羅即大黑神也古代相承云是大

天、大部屬性愛三寶護持五衆使無損耗
求者稱情但至食時厨家每薦香火所有
飲食隨列於前曾親見說大涅槃處般彈
那寺每常僧食一百有餘春秋二時禮拜
之際不期而至僧徒五百臨中忽來正到
中時無宜更煮其知事人告厨家日有斯
倉卒事款如何于時有一淨人老母而告
之日此乃常事無勞見憂遂乃多然香火

盛陳祭食告黑神日大聖涅槃爾徒尚在
四方僧至為禮聖蹤飲食供養勿令闕乏
是仁之力幸可知時尋即總命大衆令坐
以寺常食次第行之大衆咸足其餐所長
還如常日咸皆唱善讚天神之力親行禮
覲故覩黑神見在其前食成大聚問其何
意報此所由淮北雖復先無江南多有置
處求者効驗神道非虛大覺寺日真隣陀

龍亦同斯異矣

九州大學圖書印



市三